

PROPOSITIONES DAMNATAE

*Circa materiam, quae tractatur
in prima secundæ.*

De Libertate.

PROPOS. DAMN.

1. *Quod voluntariè fit, etiamsi necessariò fiat,
liberè tamen fit.* Est 39.

2. *Sola violentia repugnat Libertati Hominis
naturali.* Est 56.

D. THOMAS in 2. dist, 25. quæst. 1. art. 1. ad 2^o
ad libertatem arbitrii pertinet, ut actionem aliquam
facere possit, VEL NON FACERE. Quod verò quis
voluntariè facit, si necessariò id facit, illius oppo-
situm facere non potest. Undè fuit propositio pri-
ma. Hinc amor beatificus, cum in eo sit felix
amandi necessitas, propriè liber dici nequit, quod
tamen Bayus asseruit. Dum enim lib. de Libero
arbitrio cap. 4. ait Angelos felici quâdam necessitate
constrictos Deum, atque justitiam immobiliter di-
ligere, postea cap. 6. eosdem Liberrimos vocat,
etiam in eo, quod justitiam diligunt.

Ad secundam sic Angelicus contra Gentes. cap.
68. Dominium, quod habet voluntas supra suos
actus, per quod in ejus potestate est velle vel non
velle (quod Dominium est de ratione libertatis)
excludit determinationem voluntatis AD UNUM &
violentiam causa exterius agentis. Non igitur sola
Violentia, seu coactio repugnat Libertati Hominis
naturali, sed præter exclusionem Violentiæ, seu
immunitatem à Coactione (ut ordinariè loquuntur)
requiritur etiam immunitas à Necessitate, seu deter-
minatione ad unum.

PROPOSITIONES DAMN.

3. *Homo peccat etiam damnabiliter in eo, quod
necessariò facit.* Est 67.

4. *Is Libertatis modus, qui est à necessitate sub-*

libertatis nomine non reperitur in scripturis , sed
solum nomen libertatis à peccato . Est 41.

D. THOMAS quæst. 6. de malo , hæc positio tertia
collit rationem meriti , & demeriti in humanis acti-
bus . Non enim videtur esse meritorium , vel DEME-
RITORIUM , quod aliquis sic EX NECESSITATE
AGIT QUOD VITARE NON POSSIT . Proinde ruit hæc
tertia . De hac latius infrà ad tertiam Jansenianam .

Quoad quartam , illam facultas Theologica Lo-
vaniensis refutat apud Steyaertum pag 173 . Quod
„ verò ad ipsum pertinet libertatis vocabulum ; ne-
„ que id verum est , eum libertatis modum , qui à ne-
„ cessitate est , non reperiri in Scripturis sub no-
„ mine libertatis ; sed solum à peccato libertatis
„ nomen . Ubi enim Paulus ait subintroisse falsos
„ fratres ad explorandam ipsorum libertatem , quanto
„ habebant in Christo IESU , etiam libertatem signi-
„ ficat , quæ est à necessitate , nec tantum liberta-
„ tem à peccato , quæ interior & coram Deo est :
„ sed exteriorem illam à necessitate observandæ
„ Circumcisionis , cæterorumque servilium operum
„ Moysaicæ Legis : quemadmodum eum locum Ve-
„ teres & Græci & Latini interpretati sunt ; usque
„ adeò ut præter eam libertatem , quæ est à necessi-
„ tate naturæ , ex qua liberum arbitrium propriè-
„ nominatur , & illam , quæ est à violentia seu coad-
„ ctione , agnoscenda sit non solum libertas à pec-
„ cato , quæ Sanctis Dei hominibus Veteris Legis
„ tempore non defuit , sed etiam libertas quædam
„ Evangelica à jugo tam gravium tamque multi-
„ plicium cæmoniarum : quâ liberate & ii nunc
„ per Christum fruuntur , qui tamen peccato ser-
„ vire non desinunt .



De peccato in genere, & peccato originali.

PROPOSITIONES DAMN.

1. **A**d Rationem, & definitionem peccati non perinet voluntarium: nec definitionis qualio est, sed cause originis, utrum omne peccatum debeat esse voluntarium. Est 46.

2. Unde peccatum originis verè habet rationem peccati sine ulla ratione, ac respectu ad voluntatem, à qua Originem habuit. Est 47.

3. Peccatum Originis est habituali parvuli voluntate voluntarium, & habitualiter dominatur pervulo, eò quod non gerit contrarium voluntatis arbitrium. Est 48.

4. Et ex habituali voluntate Dominante fit, ut parvulus discedens sine regenerationis Sacramento, quando usum rationis consecutus erit, actualiter Deum odio habeat, Deum blasphemet, & Legi Dei repugnet. Est 49.

D. THOMAS I. 2. q. 74. art. 3. in corp. in voluntario consistit ratio peccati. Quod repetit infinitis in Locis.

Thomæ suffragatur Celeberrimum Augustini effatum. Peccatum adeò est voluntarium, ut si non sit voluntarium, non sit peccatum. Unde illud dogma apud Theologos Commune est.

Hinc peccatum originis verè habet rationem peccati, quia **EST VOLUNTARIUM VOLUNTATE PRIMI PARENTIS** I. 2. q. 81. 1. in corp.

Et ita est voluntarium voluntate primi parentis, ut non sit voluntarium propriâ ipsius parvuli voluntate, seu habituali, seu actuali, sed tantum sit voluntarium voluntate Adami, in quo tamquam in Capite totius humani Generis voluntas continebatur. Id egregiè more suo explicat Angelicus articulo prædictato. *Homines ex Adam derivati sunt tamquam multa membra unius corporis: actus autem*

aniius membris corporalis, puta manūs, non est voluntarius voluntate ipsius manūs, sed voluntate anima, qua primò movet membrum, unde homicidium, quod manus committit, non imputaretur manus ad peccatum, si consideraretur manus secundum se, ut divisa à corpore, sed imputatur ei in quantum est aliquid hominis, quod movetur à primo principio motivo hominis. Sic igitur inordinatio, seu culpa originalis, qua est in homine, non est voluntaria VOLUNTATE IPSIUS, SED VOLUNTATE PRIMI PARENTIS, qui movet motione Generantis omnes, qui ex ejus origine derivantur, sicut voluntas animæ movet omnia membra ad actum.

Quantum ad Propositionem quartam, sic pag. 117. Steyaertius in Prop. Damnatas. Excedit ista exaggeratio voluntatis habitualis in parvulo non baptizato: quasi nimirum per illam parvulus ita comparatus sit; ut mox ac utitur ratione, prorumpat in actuale Dei odium, ejusque blasphemiam; ceteraque id genus horrendissima & omnium gravissima peccata: quod nemo aliis umquam finxit. Aversam à Deo voluntatem gerat ille; sed ad Dei odium, ejusque blasphemiam, ut mox prorumpat, quid necesse?

PROPOSITIONES DAMN.

5. **O**mnes omnino afflictiones justorum sunt ultiones peccatorum ipsorum: unde Job, & Martyres, qua passi sunt, propter sua peccata passi sunt. Est 72.

6. Nemo prater Christum, est absque peccato originali: hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum justorum, fuerunt ultiones peccati actualis, vel originalis. Est 73.

D. THOMAS 2. 2. q. 64. art. 1. ad 4. Pænitentes, seu afflictiones diversimodè in diversis inveniuntur.... vel propter remedium salutis ejus, qui hujusmodi pænaliitatibus subditur, ut scilicet per hoc à peccatis arceatur: aut etiam DE VIRTUTIBUS NON SUPERBIAT, ET PER PATIENTIAM CORONETUR. Non igitur

igitur omnes justorum afflictiones sunt ultiōes peccatorum ipso:um. Hæc D. Thomæ verba perpendant, ruminentur, sibique in consolationem applicent illi, quos agitat concatenateda malorum series. Vide etiam infra Propositiones Quesnel titulo de afflictione innocentis.

Præterea quoad hanc, & sextam, damnantur hæc propositiones, ait Suarez citatus ab eximio Stey-aertio pag. 117. Quia in primis temere in iis dictum est, omnes afflictiones justorum, & Martyrum fuisse ultiōes peccatorum suorum. Deinde quia in hoc equiparatur B. Virgo cæteris Sanctis, & quidem quasi in dubium revocando, an non habuerit peccatum actuale. Non autem damnatur hæc Propositio propter nullam assertionem de Conceptione B. Virginis in originali peccato.

PROPOSITIONES DAMN.

7. **O**mne scelus ejus est conditionis, ut suum authorem, & omnes posteros eō modō inficere possit, quo infecit prima transgressio. Est 52.

8. Quantum est ex vi transgressionis, tantum meritorum malorum à generante contrahunt, qui cum minoribus nascuntur vitiis, quam qui cum majoribus. Est 53.

D. THOMAS I. 2 q. 81. art. 1. in corp. peccatum primi Parentis est peccatum Naturæ... corruptus totam Naturam humanam. art. 2. ad 3. Aliorum verò, seu alia peccata sunt PURÈ PERSONALIA, ideoque NON TRADUCIBILIA, seu infectiva, hinc ruit propositio septima.

Octava supponit Concupiscentiam, seu somitem peccati, qui ex culpa Originali profluit, non esse, quantum est ex vi transgressionis, in omnibus aqualem, sed unum cum minoribus ex vi illâ nasci vitiis, aliud cum majoribus.

At hoc refellitur I. 2. q. 82. art. 4. ad 1. Quod unus homo sit prior ad concupiscendum, quam alter, hoc non est ratione peccati originalis, cum in omnibus AEQUALITER solvatur vinculum Originalis

*originalis Justitia, & EQUALITER in omnibus
partes inferiores anima sibi relinquuntur : sed
accidit hoc ex diversa dispositione potentiarum.*

De Concupiscentia, & eius Motibus.

PROPOSITIONES DAMN.

I. *P*rava desideria, Quibus ratio non consentit
& qua homo invitus patitur, sunt prohibita
præcepto non concupisces. Est 50.

2. *Concupiscentia, sive lex membrorum, &
prava ejus desideria, qua inviti sentiunt homines,
sunt vera legis inobedientia.* Est 51.

3. *Motus pravi concupiscentia sunt pro statu
Hominis vitiati, prohibiti præcepto non concu-
pisces. Unde homo eos sentiens & non consentiens
transgreditur præceptum, quamvis transgressio in
peccatum non deputetur.* Est 75.

4. *Quam diu aliquid concupiscentia carnalis in
diligente est, non facit præceptum diliges Dominum
Deum tuum ex toto corde tuo.* Est 76.

5. *Concupiscentia in renatis relapsis in peccatum
mortale in quibus jam dominatur, peccatum est,
sicut & alii habitus pravi.* Est 74.

D. THOMAS 22. q. 122. art. 6. ad 3. per præ-
cepta prohibitiva concupiscentia non intelligitur
prohiberi primus motus concupiscentia, adeoque
non prohibentur præcepto non concupisces prava
desideria, quibus ratio non Consentit, & quæ
homo invitus patitur, illa enim sunt primus motus
concupiscentiæ.

Quid igitur prohibetur per illud præceptum
non concupisces? prohibetur, inquit Angelicus ibi-
dem immediate, directe consensus voluntatis, qui
est in opus, vel delectationem. Proindeque ad-
versus illud præceptum non impingit homo, dum
illos motus invitus, & non consentiens patitur:
frustra dictum est, inquit Augustinus lib. 5. contra

Julianum

Julianum cap. 3. post concupiscentias tuas non Ecclesia-
cas: si jam quisque reus est, quia tumultuantes, stici 18.
Et ad mala trahere nitentes sentit eas. Hinc pa-
tet responsio ad tres priores Propositiones. Por-
rò circa illa verba tertiae assertionis, quamvis
transgressio in peccatum non deputetur: rectè Stey-
aertius pag. 120. sequentia observat: iste modus
loquendū non poterat fidelium aures non offendere
ex quo sectarii eādem phrasē hæreses quasdam suas
exprimere consueverant.

Propositio quarta manifestam patitur instantiam
in Apostolo. Nonne ille præceptum de diligendo
Deo ex toto corde, implevit? ille, inquam, to-
tus divino amore exæstuans? quoties tamen gra-
vissimis carnis stimulis exagitatus non exclamavit,
sentio aliam legem in membris meis repugnantem
legi mentis mea! potest igitur aliquis legem di-
lectionis verè adimplere, euam si sit in diligentie
stimulus carnis, qui relinquitur in homine propter
spirituale exercitium, ut videlicet contraconcupi-
scientiam pugnans victoria coronam accipiat. 3. P.
q. 68. art. 3. in corp.

Quoad ultimam, notanda sunt verba D. Tho-
mæ 1. 2. q. 78. art. 2. in corp. Potest contingere,
inquit, quod aliquis habens habitum vitiosum pro-
rumpat in actum virtutis: eò quod ratio non tota-
liter corrumpitur per malum habitum... sed quan-
documque aliquis utitur habitu vitioso, necesse est,
quod peccet. Sic igitur & ille, in quo concupi-
scientia jam dominatur, seu qui habitu isto Libi-
dinis jam involutus est, potest interdum prorum-
pere in actum virtutis, potest sistere libidinem,
seque ipsum refrænare: quod si tamen vitioso uta-
tur habitu Prædominant cedens cupiditati, tunc
reverà peccat. Et quia plerumque in peccato
carnis, cui quis per habitum alligatus est, vitia
quasi profunduntur, idè concupiscentia in renatis
relapsis in peccatum mortale, in quibus jam domi-
natur, isto sensu peccatum est, quod proportiona-
biliter de aliis etiam habitibus pravis dici potest,
ipsa

ipsa tamen concupiscentia habitualis, aliisque habitus in se sumpti, dummodo non exerant se in actum, propriè loquendo peccata non sunt. Nonne è contra talibus immersi habitibus nonnulli ingenti nisu, curâ, molimine, conglomeratisque viribus, miserante, & opitulante Deo, ex istis eluctantur?

De Peccato veniali.

PROPOSITIO DAMN. UNICA.

Nullum est peccatum ex naturâ suâ veniale, sed omne peccatum meretur pænam aeternam. **Eft 20**
D. THOMAS I. 2. quæst. 88. art. 2. in corp.
Quandoque voluntas peccantis fertur in id, quod in se continet quandam inordinationem, non tamen contrariatur dilectioni Dei, & proximi, sicut verbum otiosum, risus superfluus, & alia hujusmodi, & talia sunt PECCATA VENIALIA EX SUO GENERE. Datur igitur peccatum ex naturâ suâ veniale.

De Legibus, seu Præceptis Divinis.

PROPOSITIO DAMN. UNICA.

Definitiva hæc sententia, *Deum homini nihil impossibile præcepisse, falso tribuitur Augustino, cum Pelagii sit.* **Eft 54.**

Cum Bajus asserat hanc non esse Augustini, sed Pelagi sententiam, en celebratissima sancti Doctoris verbalib. de naturâ & gratiâ cap. 43. & lib. 2. de pecc. merit. cap. 6. **DEUS IMPOSSIBILIA NON JUBET.** Vide infra latius ad primam Jan-senianam.

Magno Augustino suffragatur **D. THOMAS** fidelissimus ejus & interpres & sectator q. 24. de veritate art. 14. ad 1. illud, *quod præcipit Deus, NON EST IMPOSSIBILE HOMINI AD SERVANDUM.*

De

De operibus factis sine gratia.

PROPOSITIONES DAMN.

I. Liberum Arbitrium sine Gratia & Dei adjutorio non nisi ad peccandum valet. Est 27.

2. Omnia infidelium opera sunt peccata, & Philosophorum virtutes sunt vicia. Est 25.

3. Omnis amor creaturae rationalis aut vitiosa est cupiditas, quæ mundus diligitur, quæ à Joanne prohibetur, aut Laudabilis illa Charitas, quæ per Spiritum sanctum in corde diffusa Deus amatur. Est 38.

4. Distinctio illa duplicitis amoris, naturalis videlicet, quo Deus amatur ut author naturæ, & Gratuiti, quo Deus amatur ut Beatificator, vana est, & commentitia, & ad illudendum sacris litteris, & plurimis Veterum testimoniis excogitata. Est 34.

5. Amor naturalis qui ex viribus naturæ exortatur, ex sola Philosophia per elationem præsumptionis humanae cum injuriâ Crucis Christi defenditur à nonnullis Doctoribus. Est 36.

6. Cum Pelagio sentit, qui boni aliquid naturalis, hoc est, quod ex naturæ solis viribus ortum dicit, agnoscit. Est 37.

7. Non nisi Pelagiano errore admitti potest usus aliquis liberi arbitrii bonus sive non malus, & gratia Christi injuriam facit, qui ita sentit & docet. Est 65.

8. Pelagianus est error dicere, quod liberum arbitrium valet ad ullum peccatum vitandam. Est 28.

9. Non soli fures ii sunt, qui Christum viam, & ostium veritatis, & vita negant; sed etiam qui cumque aliunde quam per ipsum in viam justitiae, (hoc est, aliquam justitiam) concendi posse docent. Est 29.

10. Aut tentationi ulli sine gratia ipsius adjutorio

coris resistere hominem posse , sic ut in eam non inducatur , aut ab ea non superetur . Est 30.

11. Omne , quod agit peccator , vel servus peccati , peccatum est . Est 35

12. In omnibus suis actibus peccator servit dominanti Cupiditati . Est 40.

13. Cum Pelagio sentiunt , qui textum Apostoli ad Romanos 2. Gentes quæ legem non habent , naturaliter quæ legis sunt faciunt : intelligunt de gentibus fides gratiam non habentibus . Est 22.

D. THOMAS q.24. de veritate a. 4. Bonum quod est supra naturam , constat liberum arbitrium non posse sine gratiâ , quia per hujusmodi bonum homo viam aeternam meretur , constat autem quod sine gratiâ homo mereri non potest . ILLUD AUTEM BONUM QUOD EST NATURÆ HUMANÆ PROPORTIONATUM , POTEST HOMO PER LIBER UM ARBITRIUM EXPLERE Falsum igitur est liberum arbitrium sine gratiâ Dei adjutorio non nisi ad peccandum valere , cum possit sine gratia bonum naturæ humanæ proportionatum explere , seu quædam opera exercere moraliter bona .

Cumque & hoc possint infideles , conlequenter omnia illorum opera non sunt peccata , nec Philosophorum Virtutes sunt vitia . Specialiter tamen hoc quoad infideles probatur ex Angelico 22. q. 10. a. 4. in corpore . Peccatum mortale tollit gratiam gratum facientem , non autem totaliter corrumpt bonum naturæ , unde cum infidelitas sit quoddam peccatum mortale , infideles quidem gratiâ carent , remanet tamen in eis aliquod bonum naturæ . Unde manifestum est , quod infideles non possunt operari opera bona , quæ sunt ex gratia scilicet opera meritoria : tamen bona opera , ad qua sufficit bonum naturæ , operari possunt : unde NON OPORTET , QUOD IN OMNI SUO OPERE PECCENT .

Hinc omnis amor creaturæ rationalis non est aut vitiosa cupiditas , quâ mundus diligitur , quæ à Joanne prohibetur , aut laudabilis illa charitas , quâ per Spiritum Sanctum in corde diffusâ Deus amatur , mediat enim amor boni honesti non extinctus

tinctus, sed vel in Gentilibus residuus, quo illi V.O. vel parentes diligunt, vel misericorditer feruntur in pauperes. Is non vitiosa est cupiditas, cum sit actus moraliter bonus, nec laudabilis illa charitas, cum non sit supernaturalis, nec ad vitam perducat æternam.

Vana proinde non est distinctio duplicitis amoris, *naturalis* videlicet quo Deus amat ut author naturæ (seu fons totius honestatis) & *gratuitus*, quo Deus amat, ut Beatificator: nec defenditur cum injuriâ Crucis Christi à nonnullis Doctoribus.

Distinctio illius etiam meminit Doctor Angelicus I.ad Corinth. 13. Lect. 4. *Amor*, inquit, est quædam vis unitiva, & omnis amor in unione quâdam consistit. Unde secundum diversas uniones diversæ species amicitia distinguntur. Nos autem habemus duplœ conjunctionem cum Deo. Una est quantum ad Bonam naturam, alia quantum ad Beatitude. Secundum primam communicationem ad Deum, est amicitia naturalis. Secundum verò communicationem secundam est amor charitatis.

Ex dictis patet responsio ad propositiones reliquias.

De peccatoribus cum & ipsi nonnulla opera naturaliter, seu moraliter bona exercere possint, conformiter ad infideles loquendum est.

Nec est difficultas circa nonam. Sanè aliundè etiam quam per Christum concenditur in viam justitiae; non supernaturalis (hoc enim foret impium, & Pelagianam saperet hæresim) sed naturalis.

Quidni etiam homo sine gratiæ adjutorio levi queat tentationi resistere? Homo infirmus non potest quidem perfectè moveri motu hominis sani, nisi sanetur auxilio medicina, potest tamen per seipsum aliquem motum habere. I. 2. q. 109. a 2. incorp. Sic & liberum arbitrium, quod per peccatum originale debilitatum & infirmatum est, non potest sine medicinalis gratiæ auxilio graves superare tentationes, valet tamen per seipsum leves. Vide infra Propositiones Quesnel sub eodem titulo.

De Justitia , seu Justificatione.

PROPOSITIONES DAMN.

I. *J*ustificatio impii fit formaliter per obedientiam legis, non autem per occultam communicationem, & inspirationem gratia, qua per eam justificatos faciat implere legem. Est 96.

2. *J*ustitia, qua justificatur per fidem impius, consistit formaliter in obedientia Mandatorum, quae est operum justitia, non autem in gratia aliquam anima infusa, qua adoptatur homo in filium Dei, & secundum interiorem hominem renovatur, ac Divina Naturae consors efficitur, ut sic per Spiritum sanctum renovatus deinceps bene vivere, & Dei mandatis obedire possit. Est 42.

3. In hominibus p&ententibus ante Sacramentum absolutionis, & in Catechumenis ante Baptismum, est vera justificatio, separata tamen a remissione peccatorum. Est 43.

4. Illa distinctio duplicis justitiae, alterius, qua fit per spiritum Charitatis inhabitantem, alterius, qua fit ex inspiratione quidem Spiritus sancti cor ad P&ententiam excitantis, sed nondum cor inhabitantis, & in eo charitatem diffundentis, qua Divina legis justificatio impleatur, rejicitur. Est 63.

5. Item & illa distinctio duplicis vivificationis, alterius qua vivificatur peccator, dum ei p&ententa, & vitae nova propositum, & inchoatio per Dei gratiam inspiratur, alterius, qua vivificatur qui verè justificatur, & palmes vivus in vite Christo efficitur, pariter commentitia est, & Scripturis minimè congruens. Est 64.

D. THOMAS I. 2. q. 113. a. 2. in corp. Respondeo dicendum, quod homo peccando Deum offendit. Offensa autem non remittitur alicui, nisi per hoc quod animus offensi pacatur offendenti, & ideo secundum hoc peccatum nobis remitti dicitur, quod Deus nobis pacatur. Quia quidem pax consistit in dilec-

dilectione, quâ Deus diligit nos... effectus autem divina dilectionis in nobis, qui per peccatum tollitur, est gratia, quâ homo fit dignus vitâ aeternâ, à quâ peccatum mortale excludit, & ideo non posset intelligi Remissio culpe, seu justificatio, si NON ADESET INFUSIO GRATIÆ Justificatio igitur fit per gratiam, quæ per eam justificatos faciat implêre legem: adeoque non fit formaliter per obedientiam legis, cum talis obedientia non exercatur nisi per gratiam, quâ homo consors factus Divina Naturæ ad optatur in filium Dei I. 2. q. 114. a. 3. in corp.

Unde justitia, quâ justificatur impius, non consistit formaliter in obedientia mandatorum; sed in GRATIÆ ADOPTIONIS: quâ per Spiritum Sanctum renovatus benè vivere, & Dei mandatis obedire possit.

Porrò gratia illa adoptionis in filios Dei, seu justificatio nequaquam consistit cum peccatis. Vocatur justificatio impii, quâ aliquis transmutatur à statu injustitia per REMISSIONEM PECCATI in statum justitiae. I. 2. q. 113 art. 1, in corp. unde justificatio non est separata à remissione peccatorum.

Quarta, & quinta propositio refellitur ex distinctione, quam statuunt Theologi inter Gratiam Actualem, quâ homo interius excitatur, movetur, inclinatur ad benè operandum, & justificationem consequendam, & gratiam habitualem, quâ homo justificatur, sanctificatur, Deo fit acceptus, & amicus, fit ejus filius, ac palmes vivus in vite Christo efficitur.

Porrò Gratia actualis, seu moventis, excitantis &c. ac habitualis meminerunt Sacrae Paginæ. Expressit illa Psal. 58. Misericordia ejus præveniet me: & Apocal. 3. Ecce sto ad ostium, & pulso: hæc verò I. Joan. 3. Videte qualem charitatem dedit nobis Deus, ut filii Dei Nominemur & simus: & ad Rom. 8. ipse Spiritus reddit Testimonium spiritui nostro, quod simus filii Dei. Quid sexcenta pro ultraque gratiâ loca recenseam? sed nonne &

Conclu-

Concilium Tridentinum sess. 14. cap. 4. dicit, quod
attritio sit donum Dei & Spiritus Sancti impulsus,
NON ADHUC QUIDEM INHABITANTIS, SED TAN-
TUM MOVENTIS? Non igitur utraque distinctio
rejicienda est.

De Bonorum operum meritis.

PROPOSITIONES DAMN.

I. **O**péra Catechumenorum, ut fides & pænitentia ante remissionem peccatorum facta sunt vita aeterna merita, quam vitam ipsi non consequentur, nisi prius praecedentium delictorum impedimenta tollantur. Est 18.

2. Opera bona à filiis adoptionis facta non accipiunt rationem meriti ex eo, quod fiunt per spiritum adoptionis inhabitantem corda filiorum Dei: sed tantum ex eo, quod sunt conformia Legi, quodque per ea prestatur obedientia Legi. Est 13.

3. Ratio meriti non consistit in eo, quod qui bene operatur, habeat gratiam, & inhabitantem spiritum Sanctum, sed in eo scilicet, quod obedit divine Legis. Est 15.

4. Opera iustitia, & temperatia, qua Christus fecit, ex dignitate persona operantis non traxerunt majorem valorem. Est 19.

5. Pelagii sententia est, opus bonum citra gratiam adoptionis factum non est Regni caelestis meritorium. Est 12.

6. Sentiunt cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum deificum.. Est 17.

7. Illa Doctorum distinctio divina legis mandata bisariam impleri, altero modo quantum ad praceptorum operum substantiam tantum; altero quantum ad certum quemdam modum, videlicet secundum quem valeant operantem perducere ad regnum aeternum (hoc est ad modum meritorium) contentitia est, & explodenda. Est 61.

8. Illa quoque distinctio, quâ opus dicitur Bisariam

fariam bonum , vel quia ex objecto , & omnibus circumstantiis rectum est , & bonum (quod moraliter bonum appellare consueverunt) vel quia est meritorium regni aeterni , eò quod fit à vivo Christi membro per spiritum Charitatis , rejicienda est . Est 62.

9. Quod piè , & justè in hac mortali vita usque in finem conservati vitum consequimur aeternam , id non propriè gratia Dei , sed ordinationi naturali statim initio creationis constituta justo Dei judicio deputandum est : neque in hac distributione honorum ad Christi meritum respicitur , sed tantum ad primam institutionem generis Humani in qua Lege Naturali constitutum est , ut justo Dei judicio obedientie mandatorum vita aeterna reddatur . Est 11.

10. In redemptis per gratiam Christi nullum inveniri potest bonum meritum , quod non sit gratis indigno collatum . Est 8.

11. Operibus plerisque , que à fidelibus fiunt , solum ut Dei mandatis pareant , cujusmodi sunt , obedire Parentibus , depositum reddere , ab Homicidio , à furto , à fornicatione abstinere , justificantur quidem homines , quia sunt legis obedientia & vera legis justitia , non tamen iis obtinent incrementa virtutum . Est 44.

12. Opera bona justorum non accipient in die judicii extremi ampliorem mercedem , quam justo Dei judicio mercantur accipere . Est 14.

D. THOMAS 22. q. 2. art. 9. in corp. actus nostri sunt meritorii in quantum procedunt ex Gratia : & I. 2. q. 114. art. 5. Gratia est principium cuiuslibet boni operis meritorii : gratia vero nequaquam consistit cum peccatis , ut ad prop. 3. præcedentem mox vidimus : proinde opera Catechumenorum antè remissionem peccatorum non sunt vitae aeternae merita , seu meritoria , supposita autem remissione peccatorum , sunt meritoria tum in his , tum in aliis ratione gratia inhabitantis corda filiorum Dei .

Unde perperam dicitur , quod bona opera facta à filiis adoptionis accipient tantum rationem me-

riti, ed quodd sint Conformatiæ legi : Principium enim & radix meriti est Gratia, ut statim ex D. THOMA collegimus. Suffragatur scriptura Joan. 1. *sicut palmes non potest ferre fructum, nisi manserit in vite, sic nec vos, nisi in me manseritis: per Charitatem, aut Gratiam.*

Hinc ad meritum requiritur non solum opus bonum, sed etiam operantis dignitas, & excellentia ad statum amicitiæ, & filiationis Divinæ elevari.

Ex quo sequitur, opera justitiae & temperantiae, quæ Christus fecit, ex DIGNITATE PERSONÆ OPERANTIS majorem traxisse valorem.

Nec sententia requirens ad meritum dignitatem operantis, ita ut ille debeat esse in gratia, seu per gratiam adoptionis sublimatus ad statum Deificum, est sententia Pelagii : Illam tenet, & docet Scriptura sacra loco citato, Angelicus, & omnis Tornens Theologorum, unanimiter sex inter conditiones ad meritum requisitas etiam hanc tanquam unam ex Præcipuis statuentium personam scilicet merentem debere esse in gratia constitutam.

Possunt quidem mandata Legis impleri quantum ad præceptorum operum substantiam, & exerceri opera moraliter bona ab illis qui sunt extra gratiam, ut supra titulo de *operibus factis sine gratiâ* vidimus ex SS. Augustino, & Thoma ; non tamen mandata secundum certum quemdam modum videlicet secundum quem valeant operantem perducere ad regnum æternum (hoc est ad modum meritorium) impleri possunt, nec exerceri opera meritoria regni æterni sine gratiâ. Unde illæ ambæ distinctiones explodendæ, aut rejiciendæ non sunt, utpote fundatæ in Præclarissimis Ecclesiæ Doctribus. Novissima verba sunt Augustini adversus Julianum : *per gratiam solum potest homo ad regnum Dei donum, regnumque perduci.*

Hinc quod piè & justè in hac mortali vitâ usque in finem convertari viam confequimur æternam ; id certè non ordinationi naturali, qua statim initio creationis constitutum est, ut justo Dei judicio obedientia

dientiæ mandatorum vita æterna reddatur, sed prius gratia Dei adscribendum est: omne enim opus meritorium profluit ex Gratia, per quam impletur obedientia mandatorum; præsertim verò perseverantia finalis tot inter procellas felicem portum nacta. Deus gratis perseverantia bonum largitur, cuicunque illud largitur I. 2. q. 114. a. 9. Retinet quidem Perseverantia vitam consecutam æternam justæ retributio-nis rationem, sed celeberrima verba Augustini sunt. Deus dum nostra merita coronat, SUA DONA CORONAT.

Non sic tamen extollenda est Gratia; ut statuamus nullum posse inveniri bonum meritum, quod non sit gratis indigno collatum, cum & justi mereantur augmentum Gratiae (I. 2. q. 114. a. 8. ad 3.) Quæ proinde non confertur *indignis*, sed *bonorum operum*, quæ exercent, *intuisu*.

Unde & iis obtinent *incrementa virtutum*.

Quoad propositionem ultimam, communis est Theologorum assertio, justorum merita à Deo præmiari *ultra condignum* ex effusissimo in filios suos amore, & liberalitate. Itaque opera bona justorum accipient in die judicii extremi ampliorem mercedem, quam justo Dei judicio mereantur accipere.

De meritis Angelorum & primi Hominis.

PROPOSITIONES DAMN.

I. **N**ec Angeli, nec primi hominis adhuc integri merita recte vocantur gratia. Est I.
2. Primi hominis integri merita fuerunt prima crea-
tionis munera, sed juxta modum loquendi Scriptura non recte vocantur gratia: quô fit, ut tantum merita, non etiam gratia debeant nuncupari. Est 7.

3. Deus concessa homini integro, & Angelo forsitan non improbandâ ratione possunt dici grata, sed quia secundum usum Scripturæ sacra, nomine gratia ea tantum munera intelliguntur, quæ per Jesum Chri-
stum male merentibus, & indignis conferuntur, ideo

neque merita, neque merces, quæ illis redditur,
gratia dici debet. Est 9.

4. Et bonis Angelis & Primo Homini, si in ille
stata perseverassent usque ad ultimum vita, felicitas
esset merces, & non gratia. Est 3.

5. Vita aeterna homini integro, & Angelo promissa
fuit intuitu honorum operum: & bona opera ex lege
natura ad illam consequendam per se sufficiunt. Est 4.

6. In promissione facta Angelo, & primo homini
continetur naturalis justitia constitutio, quâ pro bonis
operibus sine alio respectu vita aeterna justis promitti-
tur. Est 5.

7. Naturali lege constitutum fuit homini, ut si in
obedientia perseveraret, ad eum vitam pertransiret,
in qua mori non posset. Est 6.

8. Sicut opus malum ex natura sua est mortis
aeterna meritorium, sic opus bonum ex natura sua
est vita aeterna meritorium. Est 2.

D. THOMAS 22.q.182.a.2. Radix merendi est Cha-
ritas, suo gratia: quod etiam locum habet tum in An-
gelo, tum in primo homine. Probatur hoc primò
de Angelo. I. p. q. 62. a. 2. Si aliquid sit supra na-
turam, voluntas id asequi non potest, nisi ab aliquo
alio supernaturali principio adjuta: Beatus autem
ultima excedit & naturam Angelicam, & humanae
a. 4. O & ideo dicendum est, quod Angelus beatitu-
dinem obtinere seu mereri non potuit nisi per auxi-
lium gracie, quod est supra naturam. Confirmatur
illud ibidem. ANGELUS PER GRATIAM BEATITU-
DINEM MERUIT. Et ad 2. CONVERSIONE NATU-
RALI angelus non meruit beatitudinem, sed conver-
sione charitatis, quæ est PER GRATIAM.

Probatur id modò de primo homine. I. 2. q. 114. a.
2. in corp. Hominis sine gratia duplex status conside-
rari potest. Unus quidem natura integræ, qualis fuit in
Adam ante peccatum. Alius autem natura corruptæ,
sicut est in nobis ante reparationem gratia. Si ergo lo-
quamur de homine quoad primum statum, sic una ra-
zione non potest homo mereri ABSQUE GRATIA VITAM
ETERNAM PER PURA NATURALIA: quia scilicet meri-
sum

sum hominis dependet ex præordinatione divinâ: A-
 Etus autem cūuscumque re non ordinatur divinitus
 ad aliquid excedens proportionem virtutis, quæ est
 principium actus: hoc enim est ex institutione divina
 providentia ut nihil agat extra virtutem. Vita au-
 tem æterna est quoddam bonum excedens, propor-
 nem naturæ creatæ.... Et inde est, quod nulla natura
 creatæ est sufficiens principium ACTUS MERITORII VI-
 TÆ ÆTERNAE, nisi super ad datur aliquod supernatura-
 le donum QUOD GRATIA DICITUR. Si vero loquimur
 de homine sub peccato existente seu in statu naturæ
 corrupta (q. 109. a. 2. in corp.) Sic virtute gratiæ
 superaddita virtuti naturæ indiget homo quantum
 ad duo scilicet ut sanetur, Et ulterius ut bonum su-
 pernaturalis virtutis operetur, quod est meritorium.
 Ex hoc clarissimo, solidissimoque D. Thomæ dicitur
 su totum harum propositionum systema evertitur.
 Probatur namque Adamum non potuisse mereri
 absque gratiâ vitam æternam, eò quod vita æterna
 sit quoddam bonum excedens proportionem naturæ
 creatæ. Aliunde tamen Gratia; quæ in hoc statu
 intuitu meritorum Iesu Christi datur, specialior
 & major est, datur enim homini quantum ad
 duo: primò scilicet ut sanetur; gravem quippe
 ei infirmitatem peccatum originale quoad volun-
 tam, intellectum & appetitum inferiorem in-
 flixit: atque ideo gratia illa vocatur medicinalis,
 secundò datur, ut bonum supernaturalis ordinis
 operetur: Licet vero hæc Gratia sit major, illa
 tamen, quæ Adamo in statu naturæ integræ, &
 sanæ collata est (quæ idcirco appellatur gratia
 sanitatis) non desinit esse vera Gratia, utpote
 gratuitum Dei donum excedens proportionem na-
 turæ creatæ. Hinc Augustinus (quem perperam
 Bayus suum in patronum allegat) dicit libro de
 correp. & grat. cap. xi. Quid verò? Adam non ha-
 buit Dei GRATIAM? immo verò habuit MAGNAM. sed
 disparem, ut jam dictum est, nempe sanitatis.
 Item enchir. cap. 106. SINE GRATIA NEC TUNC
 ULLUM MERITUM ESSER POTUSET. Unde